

漢書門

二	一	一	二	七	八	九
四	二	五	九	號	類	

庫文閣內

二九七
孔
三
一
二
陳

庫文閣內	
番號	漢 11789
冊數	24 (14)
函號	297 43



資治新書二集卷之六日次

文移部




河工總柳料 錢糧 工夫

督催栽柳牌 朱梅麓

詳各憲 紀子湘

安插河夫 沈繹堂

酌減額夫 沈繹堂



資治新書二集卷六日

六

水利 清汭開淤
築新補借

疎河條議 慕鶴鳴

覆撫院 條陳
之一 彭燕又

築堤詳文
審定水口詳文 馬翰如
會道扶

鹽法一 禁私販

詳鹽院 張西山

鹽法二 鹽引帖

詳筋盤驗 等事 佟壽民

前事批詳 李鄴園

鹽法三 改鹽埠

改鹽埠議 顏孝叙

鹽法四 改食鹽

改准鹽議 顏孝叙

鹽法五 庶務

全台新書二集卷六月 二 木子園

牌行湖廣河南鹽道

姜滙思

飭關禁

姜滙思

禁封船

李公弼

分別鹽船真偽

李含馨

權政總禁橫征 禁私抽 革陋規

牌行某關

失名

行泉州府

栗函公

詳憲勒石

曾道扶

容戶部

賈膠侯

盧政

查冊漲回文

顏孝欽

驛傳總驛馬 錢糧

驛夫 協濟

馬政詳文

顏孝欽

禁止携重

張壺陽

驛站收支等事

蔡蓮西

全書萬不可緩等事

毛錦來

免撥協餉詳文

席竺來

酌更協濟

沈繹堂

修造總城垣 儒學

橋梁 營房

道路 堡砦

飭修支廟

張西山

創建營房等事

劉黃中

橋工告成等事

劉黃中

增修城垣等事

朱仙侶

一視同仁等事

劉黃中

詳覆建造浮橋緣由

周宿來

詳覆同安築堡

葉函公

蔣教諭修學詳文

周宿來

諭曾司李

賈膠侯

督修棧道牌

賈膠侯

棧道報成詳文

曾道扶

科場總

裕號房

張西山

慎膳錄

張西山

嚴對讀

張西山

禁報卒

張西山



資治新書二集卷之六

湖上笠翁李 漁蒐輯

婿沈心友伯訂

河工總

柳料 錢糧

人夫 工食

督催栽柳牌

總河 朱梅籠 諱之錫 邵院 義鳥人

照得黃河悍激湍流勢若奔馬禦險塞決非埽罔功
每捲一埽用柳動以千百束計千里長堤歲用柳料
數且不貲况伏秋河勢陡變埽料在手咄嗟之頃轉
危為安可以免塞決之費即使萬一有決埽料在手
旋決旋塞不致正流日淤旁口日豁可以免塞大決
之費故必使生植之數常有餘于採辦之數然後可

資治新書二集卷六

一

芥子園

以源源相繼。不然而樹藝不廣。猝然有急。無術點金。縱有不竭之金錢。無窮之人力。亦不免束手坐困。故栽柳一事。竹頭木屑。似乎鎖細。而其實乃治河之第一義也。業經前部院暨本部院題請。責成各印官於河干。按汛栽柳。分別多寡。照例勸懲。俱經部覆。奉有俞旨。乃今一年以來。報栽無幾。殊屬疎玩。應以違旨題叅。姑行寬宥。以俟將來。合行申飭。爲此解仰該道。即便轉行各州縣。云云。十年之病。三年之艾。急急圖之。

詳各臺

淮河紀子湘諱文安人

爲急陳夫食料價之積弊。兼等便民利國之良圖。仰祈憲鑒。飭行以便遵守。事竊照卑職謏劣庸才。謬膺河防重寄。視事以來。恪守憲臺法紀。冰蘖自持。弗敢頌越。凡本署冗員。悉行裁革。本廳詞狀一概禁止。恐蠹差擾害行戶。已出嚴示。禁飭矣。慮州縣怠玩。憲件見設。木籤催拊矣。卽卑職出視堤工。往謁各憲。悉皆自備行李。不用州縣一草一蔬。不動驛遞。一夫一馬。此固下吏所當爲。無煩瀆塵。憲聽者也。唯有夫食料價二節。所關河工甚重。不敢不竭慮殫思。以求別弊而興利。查夏鎮一年夫食銀八千四百餘兩。舊例

州縣解廳卑職轉解夏鎮工部就近發主簿給散各夫以外唯有中河夫食銀八千六百餘兩三險歲修料價係卑職衙門經理責無旁分者也但聞法令廢弛已久其間百弊叢生闕士民之公呈訪道途之輿論誠有利于私而不利於公便於好棍猾吏而不便於民者不得不早議變通以圖實濟先就料價一項言之按往例于每歲正月內酌發庫銀每州縣先給貳百兩催各里辦料陸續完交俟估計具題用過料數若干照定例價銀撥發各州縣轉發里老里老又分散花戶往往有不肖官吏視為給還百姓之銀以

官途格
言可銘
座右

詳看語
申如此

上賜下不敢取盈可以任意扣減及入里老之手又視為百姓既捐之物以現博賒原置度外可以借端開除于是辦料之花戶徒苦敲朴于前並無實濟于後飲恨吞聲莫之敢發即有仁慈各憲念及于此然事無指實何所據而加之懲創乎夫官有染指之私法必不行于下于是衙役勢豪挾官肆惡有本身原無柳料而代包科歛者有已身應納料銀止報虛文毫釐不納不怕河官里老不為遮蓋彌縫者有小民交料赴廠而吏胥廠老勒措不收橫索使費者始因料價不給於民後致柳價反累於官上下朦朧止徒

資台新書二集卷六

三

林

痛快者
絕少那
得不爲
上幸擊
節

此等良
法人知
其善而
不肯行
者以其

苟且塞責如此而欲河工有裨民力稍甦此萬不得
之數也養癰遺害勢必大患於河河患而漕亦病矣
今與紳衿士民公議嗣後辦料原照往例於正月內
責令州縣按里公派使之完納迨伏秋以後通計各
州縣實在完解柳料若干應領價值若干卑職照庫
平印發州縣取具印領州縣將銀貯庫不必分發里
老里老不必分給花戶但照各里分完料數目扣抵
各里分末季錢糧止給庫收不見銀錢之黑白扣者
無所容其扣而侵者亦無所肆其侵則下之納于上
者秋毫無入正供上之給于下者錙銖悉沽實惠而

不科十
官也登
料竟有
一官殺
然爲此
得無共
笑其愚
乎

勢豪惡棍見其無隙可乘亦不復萌代包妄派之思
矣此納料抵糧之法極便于民者也但須憲示嚴飭
庶可永遠遵行若夫工食之積弊尤甚於料價按夫
壹名官給工食銀十兩八錢因不足用里下議出貼
費各縣照里均差約田數十頃派夫一名田多者應
夫田少者貼費此徐屬歷年定例也但有田之人非
屬紳衿卽各衙門吏書人役本身不能應夫勢必僱
人替代卽百姓之少有身家者亦然是里下出夫之
人並非河上做工之人也其間有名雖僱人代役而
實無人上工者矣有本身原無夫役而以一人而包

資台所
二集卷六
六

充數夫者矣。州縣止送花名一册。其事已完。真假替冒。何從詰辨。于是規避私逃等弊。不能免矣。是紙上之人。夫半屬虛名。而河干之修築全爲故事也。至於給散夫食。舊例州縣解銀到廳。收貯徐庫。徐庫不敷。又領諸淮庫。先呈中河工部驗封。然後按季發之。河判河判分發夫頭。以及散夫。其中蠹役尅除。以及夫頭冒銷等弊。又倍于料價。甚至無夫之積棍。反受多金。而應役之貧民。纖毫無得者矣。今從長酌議。若照料價新規。令印官扣抵錢糧之數。似屬妥便。但此項銀兩。奉有給應河夫之旨。孰敢更張。是以不便抵

還里遞。如仍前給放。又恐朝廷有惠窮夫。不得親沾。再四籌畫。莫若求憲臺出示申飭。此後解夫之日。嚴責印官。不得以花名虛册塞責。必令詳開應值夫役本戶何人。實係何人代役。註明各夫年貌。如有代包規避等弊。立拿本戶重懲。及按季放發夫食之時。仍令印官親同河判。照原册按名給發。仍具州縣與河官。公同放過領狀。並各夫領銀甘結。報上開銷。倘有給放不實。與包夫規避等情。一經發覺。官卽題參。蠹役勢惡。立置嚴法。庶人夫方得實用。而雨露不致空施矣。緣係職守所關。是用冒昧籲請。伏乞憲臺鑒

續清書二集

五

芥子園

察施行

安插河夫

大梁沈繹堂諱松江人
巡憲

一。調散夫役宜稽查安插也。里下僉夫半係鄉愚。樸魯若盡令親身赴工。省費既多。竣工必速。乃聞鄉夫上工。每被夫蠹凌虐。始而逼之。使逃旋復。指逃勾詐。其勢遂有不得不僱覓者。獨是僱覓之夫。又係四方遊棍。或縱酒聚賭。虛應道遙。或晝事奮鏹。暮為穿窬。至秋後大工一完。糾黨行劫。到處流殃。如近日襄城獲解白玉山等盜案。與傍河州縣屢告失事。皆由平日工緊。則但徵夫數不暇。問其來歷。工竣則任彼星

散亦不窮詰其去向之故也。職愚以為河夫聚散關係盜源。豈可因循故轍不一。講求合無懇請憲臺嚴飭各屬。俱着本處里夫親自赴工。不許夫棍圖謀代頂。卽有不獲已而僱覓者。亦須令夫頭歇家。各具甘結。內開某係某處人。現住某處。或下某店。并無奸宄等情。一投管河廳。一發本州縣存案。仍令各夫頭十名一結。一人為非。眾人連坐。如是則調集在工之日。永無他患矣。至散工之後。一面發遣。一面行文該州縣。着令點收歸籍。如有不到。卽係踪跡可疑。本家慮禍及身。自能查覓。務在必得。如是則工完解散之日。

卷六

六

芥子園

亦無後慮矣

酌減額夫

沈繹堂

一衝驛州縣宜酌減額夫也。河工重大勢必募夫而所派夫數似應分衝僻以均苦樂。查該省河夫近蒙河臺酌議計道里之遠近定地畝之多寡可謂至均且公矣。但就西路州邑如新鄉至新野許州至信陽因澶黔初定兵馬驛騷一應差使較往歲十增七八前職入覲曾將驛站事宜列款條奏業蒙撫臺垂軫將馬匹站銀酌議添補而各屬紛紛尚苦不能應付若河夫一項仍與偏僻州邑一槩僉派實有重累

不均者合無懇請憲臺俯將各屬衝驛州縣之夫量行恤減或二三十名或十名十五名合計衝屬所減不過三四百名而在本處減去一名一月即省六七兩一年即省七八十兩之費事易功鉅較若列借至所減之夫或不能全減仍酌補於附近僻邑哀多益寡悉出至公而彼此可無紛爭衝疲賴以甦息矣

水利總清估開淤築新補舊

疏河條議

江南慕鶴鳴諱天顏 陝西人

為條議疏河救荒實政仰祈憲裁亟賜會題請帑興工以垂永利事竊惟三吳治水之功歷稽往績無

資治新書二集卷六

七

水子

他術也。惟使太湖之水導入江海而江海之潮汐亦可上通。以時蓄洩則旱潦無虞。自三江湮塞震澤汎溢。以田爲壑。遂致蘇松常諸州縣以及浙西嘉湖杭三郡受患日深。上年水災。彌漫四野。數百里內不第禾盡無秋。抑且室廬漂沒。流離疾苦。不忍繪圖荷蒙憲臺軫念民生。首飭議濬劉河以通水利。憲檄諄諄。謂蘇松嘉湖諸水入海大川。惟有黃浦劉河二道。黃浦見在通流。無庸復議。劉河海口淤淺。以致橫潰。洪濤又謂吳松江出海之處。久成平陸。修復工繁。未可輕議。專力劉河爲今日第一急着。此憲臺碩畫鴻謨。

爲吳浙百萬生靈。造此無疆之福者也。本司遵行蘇松二府詳加確勘。茲據云。本司載考舊誌。披閱新圖。按湖水之奔趨而東也。一自澱山泖湖。從華亭之南折而東北入海者爲黃浦。一自吳江長橋。歷長洲崑山青浦嘉定界至上海。合黃浦以入海者爲吳淞江。一自吳縣鮎魚口北入運河。經郡城婁門。注流上下。雉瀆抵崑山。至和塘。東合新洋虬江。由太倉歸劉家港入海者爲婁江。卽今之劉河也。迨吳淞入海之處。沙壅菱叢。昔夏忠靖公引黃渡以西之水北入劉河。是今日劉河之一綫。爲松婁二江之尾閘。合蘇松

諸郡之民命攸關者矣。濬之寧可一日緩哉。但在蘇則重望劉河之深廣而崑太嘉為尤切。在松則必圖吳淞之成渠而上青諸邑為最近。兩府所議各就其切已者而言。未可為全局之通論也。本司規畫再三採訪輿論。目前救時之策。在急疏劉河。將來遠大之謀。吳淞亦在必濬。蓋吳淞實太湖洩水之中條。其故道較劉河更濶。其地勢較劉河更直。江浙六郡同其利。議協于浙。可冀旦夕成功。故夏忠靖之導松入劉河。白茆直注江海。仍濬范家浜。以接黃浦。周文襄之立表開江。又修復劉港。邊海諸河。崔撫院之濬大盈。

鑿下界。兼濬浦。匯新涇。海忠介之專開吳淞。又別通白茆。總以太湖之水源多而勢盛。一江不足以洩之。下流海口。患于合而利于分耳。然而今日民窮財盡。更際凶菑。兩工決難並舉。劉河處其易。吳淞處其難。莫若棄吳淞而獨事劉河之為便。本司細詢紳民。父老。劉河之功固自不小。而吳淞亦有不得。不次第並浚者。當日導淞水併入劉河者。有崑山之下界嘉定之顧浦。以及鹽鐵新洋。此江諸港。浦淞與劉相通也。今則諸港浦盡塞矣。淞自為淞。婁自為婁。劉河雖開。止洩震澤半面之流。而滙納于泖澱。以奔湧松江者。

仍。未。得。宣。通。也。若。曰。再。開。浦。匯。新。涇。重。濬。虬。江。顧。浦。
費。力。于。支。河。小。港。何。如。併。力。于。吳。淞。乎。海。公。奏。議。曰。
吳。淞。江。開。六。府。均。蒙。其。利。塞。則。六。府。同。受。其。害。誠。哉。
可。信。已。從。來。以。工。役。救。荒。使。貧。民。食。力。以。餬。其。口。如。
范。文。正。守。郡。時。吳。中。大。饑。發。粟。募。民。諸。工。畢。舉。以。是。
公。私。仰。給。民。不。流。遷。蘇。文。忠。鑿。西。湖。于。凶。歲。之。後。無。
不。共。循。此。意。蓋。小。民。至。困。苦。中。工。力。必。賤。且。飢。寒。迫。
身。民。多。思。盜。河。工。興。而。樂。趨。畚。插。盜。賊。亦。可。潛。消。荒。
政。之。施。莫。此。為。大。然。必。須。咨。商。浙。江。督。撫。早。為。區。畫。
將。全。局。會。疏。 題。明。共。計。劉。河。吳。淞。工。費。在。今。先。開。

其誠惜
以當與
海疏並
傳然先
生居官
之廉任
事之勇
撫民之
慈表率
屬僚之

劉河待有秋冬涸之日旋興吳淞大工本司管窺如
是未識有當於憲衷否也然則所急惟在錢糧今遭
災荒之後籽軸既空不得不請銷正賦但朝廷方
在蠲災詘餉之時又何敢言動帑惟念興水利而後
有農功有農功而後裕國計若惜一時之費不作
久遠之圖將來海口泥沙日淤一日并劉河之涓流
亦塞必致水災洊告遇災荒而一歲且蠲數十萬積
累而往奚啻虧朝廷萬萬之額今合兩工不過暫
缺十四萬金較之一歲所蠲尚未及其半而田工無
患困賦常充可垂千百年之大利一勞永逸功在
資治新書二集卷六

嚴具不
無二不
肖海公
非止疏
河一事
而已也
真千古
上下之
一入哉

斯時考海忠介開吳淞之疏留漕十萬石佐以協濟
預穀贖罰不兩月而功成倣其遺謨請憲臺俯賜會
題於蘇松常康熙九年折漕銀內暫留四萬兩以應
劉河夫工康熙十年折漕銀內再留五萬兩浙省錢
糧協濟五萬兩以應吳淞夫工仍比歸仁堤事例兩
省續開援納捐助請于河工告成之後補此漕折錢
糧方行停止卽於是月一面擇吉興工至于估料計
工人夫監督諸事本司細核府廳詳議尙多未協謹
先就劉河工程縷析條議繪呈憲覽

覆撫院條陳之一

汝寧 李彭燕 又 譚 華亭人

一曰水利夫天地之有江河猶人身之有血脉宜流
通不宜壅阻一也豫省自患河決歲耗 朝廷無筭
金錢費窮簷無限民力至今迄無安瀾論者曰河性
喜順道不喜逆過故以神禹治水止言疏引以入海
未見障之使倒流卽盤庚去禹未遠亦止聞遷徙以
避之未嘗築堤以防之也所以障之防之者何曰國
家數百萬之飛輓取道於河流故也但歲歲決因歲
歲修處處決亦處處修竟不知稽天震怒之勢非土
木畚插之功可以底績故雖瘠國疲民識者病焉而
職未敢以爲然也若夫各屬水利之應瘠則有不容

資治新書 卷六

二

林字

不亟講者職筮仕五月屢以會訊欽件往來各屬知
兩河之民濱河而居者水驛通支流接薪水田禾猶
得灌溉汲取之利他自兩河以南則千里斥鹵兼以
民多流亡地多榛莽單職匹馬所過一望砂磧此無
論墾種無民漸成石田卽今久奉招依墾種室廬盡
廢豈能霜宿露棲必須議通水道招集木商卽不能
起豎房屋亦庶幾搭蓋蓬廠茆茨自蔽承種開墾若
水道一日不通木商一日不至豈能使斃斃子遺越
疆匍匐取材於千里之外乎是木材一日不至窮
簞一日無居窮簞一日無居流移一日不歸流移一

日不歸開墾一日無望竊恐墾者尙漸爲荒荒者安
望其墾是水利之益實與屯政兼之者也况河工一
舉所有挑運勢必召募河夫各屬貧黎或在隣省備
工求活或在遠方趁食偷生聞有開濬之役必歸故
土以應募是疏通水利之中又寓招集流亡之意他
日河工一竣挑運之泥夫卽耒耜之農夫一舉而衆
善備焉至於十丈之城百丈之淵所謂金城湯池設
險以固圍者今則曾無涓涓之細流卽以汝寧論汝
固以汝水得名也向有河流故道從汝達於上蔡從
上蔡達於郡城今則陵谷變遷河身已作高原用是
資治新書二集卷六

舟楫斷絕商賈裹足貿易不至。廛市空虛尚欲熙熙
者在野攘攘者在市其可得哉。職敢請憲臺垂千百
年之永利澤數億萬之生靈檄行各屬當此三空四
盡不能概議疏濬酌議城濠險要田禾潤澤商賈往
來之所向有故道可循者據實開報聽候憲臺委官
覆勘係官占者官濬民占者民濬特疏具題酌議舉
行約計歲月便可告竣田疇無水旱之患城池有高
深之險商賈有輻輳之期不費國帑之金錢而垂地
方無窮之利賴矣。

審定水口詳文

漢中
司李曾道扶
王濬
秀水人

看得油浮潭爲五門堰八潭之一而上板堰陡渠堰
則又油浮潭內之上游下流也潭內田三千三百畝
自上板而下爲堰凡六灌溉之利其蒙業相安者蓋
自有此堰以至今日矣尹官等因昨歲亢暘怨澤不
下逮倡煦夫使水每夫一寸四分之說汪養龍等遂
以變壞古制紛紛訐告念係國稅民命所關非親
歷閱難以定案因單騎躬詣六堰查驗向來水口有
用石條者有用平木者上板堰水口六尺七寸其東
渠并余福洞共二尺三寸西渠一尺八寸五分皆係
古制渠頭許輔等堰長田世祿胡義等衆口一辭卽

水子園
卷六

尹官亦供向來如此也。則西渠三寸五分。東渠七寸八分之非古制明矣。卽尹官等陡渠堰古制原係二尺三寸。東邊南渠亦係五尺。東邊北渠亦係一尺六寸。西邊渠亦係一尺一寸。若以上板堰兩渠舊制爲汪養龍等私增。則陡渠堰三渠。又誰爲增之而寬濶若此乎。至每夫一名水口一寸四分之說。稽之水册。既不曾載。繙閱夫簿亦無此項。尹官等詞內據以爲証者。堰長田世祿并徐典史工房左元贊也。乃田世祿供云。不知徐典史謂出之尹官等之口。左元贊亦供不知。及細訊之。尹官且更茫然。夫油浮泮水田。凡

三千三百畝。其間廬野而托業者。疇不仰望此水。以稼以獲。輸將于是。乎出俯仰于是。乎足顧以數人無稽之論。一旦變壞古制。爭端一起。數世不止。誠非地方之福也。蓋古人立法自有深意。若非盡善。何能經久。今據各渠頭所報水口舊制。合之輿論。允宜遵守。尹官等私意紛更。本當重擬。姑念悔過。均杖以警。汪養龍等所稱上板堰正泮水口原係四尺八寸。爲尹官等添夫加增一尺九寸。今審相沿已久。又無鑿據。姑照六尺七寸。不許再起訟。端查六堰上下各渠水口。或係平木。或係石條。今議除去平木。俱用石條。悉資治新書二集卷六

照古制尺寸底用石板高低悉照本堰不得過低蓋上板等堰在上陡渠堰在下旱歲不無偏若若上下渠口渠底修理無弊便可永息爭端另造舊制水口册一本仍請詳示勒石堰傍以垂永久則憲澤與渠水長流而斯民世世賴之矣

築堤詳文

安陸馬翰如諱逢臯郡丞宛平人

為築新必須補舊懇乞通行沿江地方各立堤長堤甲編造烟夫以固堤防以全民命事切照安陸一郡襄江水面高于湖田春夏水漲隄防不固田產廬室竟付波濤國計民生兩受其困故曰此處以堤為

命防堤甚于防盜盜之為害不過一家二家以至數十家而止堤口一決洶狂奔溢不知幾千里也蒙各憲臺留心國計軫念民生於順治十一年十月內委職修築卑職於十三處決口俱經歷到見其傾圮崩塌者固多而低矮卑薄雖云未壞已有必壞之勢者亦正復不少若止築新而不補舊此處纔完彼處復決徒竭官心民力無抵于巨浪洪波非勝算也治堤有如治癰左潰右潰總是一潰與其備藥待敷不若消弭其毒使之不潰之為愈也如某某某等地方不下數十百處凡此皆就卑職巡歷所及者而言

以大蘇之才情
握長沙

其餘未知未見者。又不知凡幾矣。除已行州縣委官
差役。封補修築外。其應行事宜。請畧陳大槩。數年以
來。州縣印官。俱以籌需措餉為重。佐貳管水利官。又
有催辦解運等事。羈身未及分心。堤務有緊急潰決
之口。即為修築。亦不過急則治標而已。耳長一年一
換。止圖了事。經承承票坐差。志在打錢。竭有限之民
膏。填無窮之巨壑。此修彼決。害無已時。雖云洪水為
災。亦人力不竭之所致也。故此處州縣等官。十分精
神。當用六七分于堤工之上。有堤然後有田。有田然
後有耕。獲有耕。獲然後上完國賦。下養民生。不然

之經濟
自能暢
所欲言

民窮財盡。州縣官即有經濟當于何處施之。或曰。軍
需為重。固不知堤埝一節。乃軍需所從出也。故卑職
有築新必須補舊之議。補舊之法。云何。一曰立堤長。
二曰立堤甲。三曰編定就近烟夫。四曰嚴州縣印佐
等官考成。夫修堤官事也。何用立堤長堤甲及烟夫。
止因州縣印官政繁事冗無暇巡歷。佐貳管水利官。
亦有解運催糧等公役。平時不服查閱。及至堤決。往
視則已晚矣。至於經承坐差。則皆以有利而為。未可
以此事信任之也。必選近堤百姓田多殷實者為堤
長。人情無所利益。多不樂為。必免本家一切差徭。如
資台新書二集卷六

採買解運勾攝幫費之類是也。每一堤長管五堤甲。堤甲遷有。中人之產。年力精壯者充之。亦免本家差徭。此等鄉民。徭一堤甲。管十烟夫。烟夫亦免本家差徭。此等鄉民。初必畏而不前。若見州縣官果免差徭。特示優異。勢必爭先而競進矣。每五里立一堤長。一里立一提甲。十烟夫分派段落。汛地有事則齊集救護。無事則更番看守。不時剷伐荆棘。補傾塞頽。小工自做。大工飛報該管衙門。于烟夫之外。另起人夫幫做。已報不修。官司之過。應修不報。堤長堤甲之過。長甲應修不報。卑廳及州縣官徑行拿處。卑廳及州縣官聞報不修。

各上臺。卽行糾治。倘州縣官不聽約束。許卑廳揭叅。卑廳督催不力。聽上司叅處。苟稱厥職。卽以此定其考成。五里以至百里。百里以至千里。人人如此。處處如此。有事救護。無事加幫。服藥于未病之先。消癰于不潰之日。因時補塞。逐年加幫。行見高者益高。厚者益厚。集衆力爲隄防。沿江無缺漏。雖有任瀾巨浸。如天塹。何卽或小有傾頽。亦不過零星數處。決不似今歲之在在皆崩。口口待塞也。至于修堤之舉。或應獨修。或應協修。或按畝起夫。或按糧起夫。受害之處。宜多派。不受害之處。宜少派。道府公議一報。卽定九

濱海新書二集
卷六
子園
月做起年終限完。失事之堤甲長該州縣官並水利官與該經承各治以罪如此則法嚴堤固一勞於前而永逸於後矣。何至如決信一聞倉皇失措以權授之吏胥聽其舞文作弊輕重在手。民田止造里排官田止造總田小甲不列花戶姓名貧儒者雖數十畝不免豪強者卽千百畝亦漏。每打堤一次徒爲奸蠹作生涯。折夫入已修築不堅則下年又有事做故以堤決爲美事官民之災異反爲若輩之禎祥也。此廟官禁蠹之法所當先計。至于鄉紳舉貢生員及各衙門差承書吏又不能無說焉。如選立堤長提甲烟夫

吏書差承一身難充二役。本身應免編派紳衿舉貢生員當示優禮各本身亦免編派然止免本身其族人家人及佃戶槩不准免此就選編提長甲長烟夫而言也。若夫堤潰口決事出非常自當別論或應獨修或應協修者則不論紳衿衙役俱按田出夫不免編派每田五十畝每糧一二石出夫一名修堤不比他事爲時止有三冬春水一至卽有工不能施矣。故用工宜力督工宜嚴視三冬爲一日急急釐成始不債事卑職歷任十月博稽旁採以及身歷親嘗而始成此愚論非臆說也。早職前議欲派沿堤殷實之家

季。出。工。食。給。堤。甲。長。為。守。堤。心。力。之。資。徐。思。日。久。弊。生。後。人。不。知。立。法。本。意。指。公。為。私。徒。滋。口。實。今。熟。思。之。惟。有。沿。堤。徧。栽。楊。柳。及。各。種。易。植。之。樹。俟。其。長。大。聽。各。堤。長。堤。甲。砍。作。柴。薪。官。不。得。取。民。不。得。伐。一。則。俾。管。堤。之。人。稍。有。利。益。而。不。致。徒。勞。一。則。令。樹。根。盤。結。岸。土。益。堅。永。無。崩。塌。之。患。矣。卑。職。仰。體。各。憲。臺。為。國。為。民。之。至。意。天。此。愚。衷。為。地。方。做。此。實。事。仰。祈。憲。鑒。行。府。再。為。酌。議。擇。其。可。取。者。鏤。板。傳。示。以。便。永。遠。遵。行。則。芻。蕘。一。得。之。愚。可。益。神。聖。之。高。深。其。於。國。計。民。生。似。亦。不。無。小。補。也。

鹽法一 禁私販

牌行運道

兩淮李公弼諱贊元山東人

為酌議定例。以便商運。以杜私販。事照得疏商裕課。首在禁私。然禁私之源。尤在產鹽之地。場無私賣。何由越販。故本院疏請嚴禁。又復飭行分司轉飭場使。及巡緝員役。毋論商民。只以引自為憑。無則拿究。是以鄭賓宇公行裝載。本院具疏題奏。原以痛懲私販。疏通官鹽。為商非厲商也。奈本院立法立意如是。而所在官司。多不講究鹽法。往往奉行不善。反多騷擾。滋害上。以為商鹽往來。不必盤驗。則彼即先縱私鹽。

若以爲嚴稽商引恐其假名興販則彼必借端苛求
反復思維礙難無弊本院詳查邇來商人引目全不
到場自以爲便不知私販亦可駕稱商名巡緝者憑
何稽查是商人之自爲而實非所以自爲也故引鹽
不離之例法在必行庶乎公私有辨矣但於場中買
補之日尤不可不清釐焉蓋以昔鹽上倉堆鹽之處
卽爲官堆商人領引到場謂之支鹽是場有現在之
鹽而令商人支取到處不慮無鹽而細運亦復不稽
時日今則自爲買補彼竈戶莫辦不過零星升斗一
商所須數萬何時得能收足預令人買鹽上堆所不

免也欲先給引帶去而借名遲延反得以重複影射
欲弛前禁謂商人鹽堆可以不問而大囤巨販獨不
能稱我亦商人乎爲弊更甚爲害愈大若令該管員
役時時報明不惟往來需索有耗商本卽稽遲時日
亦悞運行本院再四籌畫須該道給以批票上書某
商在某場買鹽上堆該場巡緝員役驗明毋得需索
如無執照卽係囤戶據實拿究仍復曉諭各場凡鹽
在堆驗其執照重細出場驗其引目公私既分稽查
兩便但其間有商人令人自買者亦有別商堆買轉
賣于商人者彼見別戶不得買鹽成堆商人又不能

不別戶零收自然高價措勒竟有數年之鹽不能交易。反爲不便。本院意將批票一年一繳。每於年終具呈繳批。內開一年之內。堆鹽若干。賣於商人若干。理合換批。卽商人自己買補者。亦云堆鹽若干。已行若干。似此更覺妥確。今據商網方明等稟稱。廟灣場封其鹽堆。本院因思各場俱已通行嚴飭。不旬日之間。處處皆然。商人止知已犯思救。不知未犯者正多事。後再爲變易。不如預爲區處。該道作速停集各商公同酌議。妥確果否。宜禁果否。宜行之。尙有何弊。竇一一明白詳覆。

詳鹽院

江南學憲張玉甲謹能錄

爲懇申督責以嚴私販之禁事。竊照本道謬竚衡校課士爲先。束士猶匪濱海濱江耳目難徧。倘士有扞網則益重瘵曠矣。查得蘇之太倉嘉定常熟崇明松之上海金山淮之海州鹽城贛榆揚之泰州如臯通州海門等邑地皆帶海襟江其生員之隸于竈籍者不乏保無有登壘而謀以私賣越販爲利者乎。且不獨生員也。生員之家人佃戶舟楫便而出沒易皆足以借名爲好也。有一于此悉爲官鹽蠹。本道不禁鯁鯁慮之業于上年詳請各憲申飭厲禁有犯必懲迄

今無有告者。豈士盡相戒。凜凜于三尺之嚴。抑有司奉行不力。禁者自禁。而販者自販也。懇院臺俯垂三令。嚴飭有司。各就轄境盤緝。凡有生員夾帶與販私鹽。并家人佃戶。撐駕生員船隻。假冒出沒者。立加捉獲。報道斥究。庶責成專。而私販過當。亦鹽筴之一助也。

鹽法二 鹽引帖

請飭盤驗引鹽。乃循舊例。江南憲冬壽民。詳彭年為請循舊例。以免岐誤事。案查盤驗引鹽。向屬該府印官管理。如湖州嚴州二郡。俱係府官盤單。即如蘇

常鎮三府食鹽。由蘇州府盤門經過。亦於蘇州府盤驗印帖。截角銷引。此舊例也。自康熙元年前。右司孫分藩駐蘇。因本司勅書內。開載有鹽法一條。遂請詳前任巡鹽御史蕭趙。批令右司督同蘇州府盤驗放行。遵奉相沿。凡鹽船到蘇。雖則投引請印。其間稽查驗放。仍批該府。於本司衙門。初無干涉。不過沿襲空文而已。切藩司掌管各府州縣錢糧。關切兵餉。協餉頭緒紛紜。地方遼濶。事極繁冗。且向年設立查盤。原以稽察奸弊。今本司既無暇親驗。而該府又得以卸肩。則何如仍舊貫。而審責該府之為便也。至遵奉

勅書開載鹽法一條亦非無故如現在奉各都院行文令本司填核各鹽官賢否叅註考語是以鹽法之官評責之本司其以仰承憲令者上副簡書郎此便是經營鹽法又何必定在盤驗商船較印引帖舍棕核錢糧之重任觀此瑣屑者為哉凡事有舊章便民者止宜遵守舊章正不必以前任立有成規遂沿例拘襲相應詳請憲臺俯准批循舊例尚責蘇府查驗全體統而省紛煩沾沐恩便多矣

前事批詳

浙江鹽院李鄴園

據詳過門盤驗則有司存即此具見振紀提綱之要

本院視浙以來地方各官無不爭欲有事於鹽法雖一槩禁革猶恐假公濟私奉行不力無裨澄清該司獨循舊章請停印驗不以有事為榮反以省事為樂禪嗟便商寔深嘉賴如詳尚責蘇府盤驗仍嚴飭該府寔剔陋習以肅鹽政繳

鹽法三 改鹽埠

改鹽議

邵陽顏孝叔

為興利必先除害便商乃以疏商墾墾地形永垂利賴以裕國課以禪考成事卑職樗櫟之質蒙疏通鹽政敢不奉法惟謹竭致微忱無如除奸而好日滋

去弊而弊益冗。不惟無尺寸之勞。亦且來萋菲之譖。冒陳地形之便。籲請改市之恩。職察鹽船從粵省逆流。至興安鹽則盤塘引必截角。此舊例也。由全州順流而下。至六埠頭大江口。別循小溪。挽舟逆水而上。至白牙市六十餘里。彼溪小而水濶。一大船必撥數小船。方得上引。所費不知凡幾。又有改包過山之費。不知凡幾。故寶郡鹽商較之永州鹽商。資本之輕重相去懸絕。况白牙市乃永屬東安縣之地。永商至彼駐鹽。宜也。寶慶之商舍其順流。從其逆水。越其疆畛。多其資斧。亦必至彼駐鹽。其義不知何居。且兩屬之

商同聚一隅。主賓相形。其中僱募脚夫。購買簍葉食物之類。亦未免有彼此難易之分。盈縮遲速之別。此不便猶小。若夫寶鹽費多則本重。重則價增。永鹽費少則本輕。輕則價減。以致寶屬之私販食鹽者。勢必喜輕而惡重。寶屬之民多食永屬之鹽。因而私販雲集。且晚肩摩。小則夤夜越關。大則揮戈陣往。雖國法煌煌。不能禁絕。無怪乎永屬以快利而通寶屬。以遲滯而詘本。詘則運不敷餉。虧則吏議隨。之病商誤國。莫此為甚。此不便之大者也。况卑職以寶屬之官。稽商於東安之地。其藐玩固不待言。且犯彼之忌。卽

逢彼之怒。所以有劣生羅五美之呈也。卑職不揣管窺。謬進末議。莫若於六埠頭地方。另立一市。寶商於此。駐鹽改包。一無挽舟逆水之苦。二無換撥小船之費。三無水涸膠舟之患。四無彼此攙越之憂。卽私販之徒。亦不復藉口。寶商寓白牙市。致明目張膽於無忌也。庶永商之鹽。不得入寶慶之境。私鹽杜而官鹽自通。鹽通而商自不困矣。云云。

鹽政四 改食鹽

改淮鹽議

邵陽顏孝叙 諱堯 縣人

查得邵陽歷食淮鹽。自前朝嘉靖年間。倭寇犯廣。改食粵鹽。此乃一時權宜之計。以救兵餉燃眉之急。然當時止見其有利於國。而無病於民。今當殘破之後。舊商消亡。間有存者。襟肘俱露。雖爲奔馳赴運。實屬借債支吾。且粵西距寶陸。呈七百餘里。水程迂回。二千有奇。離江險峻。斗河線水運道艱難。兼之盤山過嶺。盤費多則鹽價重。非若淮鹽盤費少。則鹽價輕。是以壅積不行。前鹽未發。後運又至。欲俟發鹽。湊本恐

時日稽遲有誤國課將欲另本往運則囊盡家空束手無措而商已告困矣鄰界如長沙湘鄉等處與邵陽接壤俱食淮鹽其轉運用船一帆可到較之粵鹽價值相去幾半乃強窮民視人之食賤鹽而必使高價以買貴鹽無怪乎山徑錯雜違禁私販民多買食雖緝捕甚嚴亦安能發竈突之奸而一一置之法也既以貴賤相形衆心不悅且日用必需費實為難而民又告病矣以困商病民而支國課恐非計之善也若得改食淮鹽移粵課於淮額實為國民兩便然使邵民欲食淮鹽而邵商不願邵民之食淮鹽邵商欲

改淮鹽而淮商不願粵課之加淮額是又所當躊躇者今商民之欲改淮鹽猶如望歲又現有淮商汪開元等請復舊制彼此兩願其可行可久較若列眉今奉部文查議若蒙憲臺俯念商民力主其議將淮網得邵地而積引漸銷邵地得淮鹽而積困頓釋憲臺之德澤永垂不朽矣

鹽法五 庶務

牌行湖廣河南鹽法道

兩淮 鹽院 姜滙思 韓圖南 仁和人

為申飭鹽法事。照得兩淮鹽政。前人稽核之法。可為周備。近官鹽法壅滯。各處有司。奈越商民。贅疣鹽政。

資台折書二集卷六

木子園

私鹽充斥而不問。商不樂赴而不之理。經歲而不行。半歲之鹽并不察其何以通。數年而不銷。一年之引亦不察其何以塞。法紀蕩廢。官守縱弛。前據江西驛道詳稱。竊照我清定鼎。百度維新。鹽政尤爲重大。本道自蒞任以來。朝夕冰兢。日以行官引。絕私販爲已任。然猶慮。嘖笑者。開釁之端。左右者。啓寵之漸。故一切衙門。陋弊。商人公費私餽。亦經摠胸露臆。三令五申。徹底盡數痛革。每逢商人鹽引一摺。查對明白。卽給賣票。晷刻不停。鹽船一到。不時密詣河干臨船盤驗。獨查江右行鹽。如南昌等九府。每歲有鹽斤銀

兩。通計不過四百餘兩。原其制不知始自何人。創自何年。細查其從來。祇因各屬要害等處。設有巡司。弓兵。每季限獲私鹽。有獲者免其提比。無獲者卽以各役項下工食扣解。以示勸懲。逮後浸失初意。止知徵銀而提比之法廢矣。巡兵詐索無忌。奸人私販橫行。此必至之勢也。且查江省自金逆變後。各屬殘破已極。正供尙且不給。至鹽斤總屬虛名。木道甫膺斯職。自十二年分鹽斤暫行停止。然而不敢遽易者。恐章程不便。紛更今值憲令鼎新。嚴檄屢諭。又不敢不恪遵。惟謹也。自今以後。各屬鹽斤銀兩似應行除革。以

管見思維凡各府州縣須立銀封印簿循環二本每
府先發一本仍轉行各屬一歲之中某縣刊載額該
銷鹽引若干分定春夏秋冬行過鹽數多寡令其自
行填註歲終造冊彙報其巡鹽人役量地煩簡勒令
巡緝私鹽仍分春夏秋冬有獲無獲亦令自行填註
每季本道止照循環提比有則獎賞無則痛懲是一
按册即可知印官行鹽之多寡一稽簿又可知巡役
賣放之有無或於疏通官引嚴緝私販少有禪乎本
道因時起見未敢自便幸際憲臺明鏡懸空印簿應
否當行鹽斤應否當革伏候憲裁俯賜批示以便遵

守。庶。國計民生兩有攸賴矣等情到院隨批按鹽
法條例各省兩准行鹽地方各委勤幹佐貳一員僉
撥精快督同巡檢司各於該地方常川巡邏其各省
分巡分守并府州縣正官按月覈加比較年終仍具
各屬賣過官鹽截角退引獲過私鹽鹽徒有無數日
開報巡鹽查考甄別具奏此法浸失久矣據詳除革
鹽斤設立印簿稽覈有方陋規盡去非留心經理天
下事者不及此該道暫屈分猷加意實政真以運甓
為負荷具也准如詳飭行繳擬合通行為此牌發該
道照牌事理即將該省所屬兩准行鹽地方查照江

西詳例有無陋弊陋規盡行禁革。其查銷額引數目。提比私販贓罰。俱照例設立循環印簿。轉飭所屬。按季遵行。毋自廢職。掌有干功。令未便。

飭關禁

姜滙思

為禁約事。照得朝廷設立關權原以徵納正供。為軍國重務。豈容浮溢絲毫。侵蝕商眾。茲值江掣之時。揚帆在即。指日可抵九江。據商紛紛控稟。視若畏途。悉稱奸棍惡埠。指衙門舊例種種增派。蓋有年矣。今當餉急商疲。計窮力竭之時。何以堪此。法宜察拿。以清風弊。姑寬已往。予以自新。除移明鈔關劉。禁革。

嚴拿外。合行出示曉諭。為此示仰九江鈔關埠頭。寫單人等知悉。嗣後商船抵權。應納稅銀。竟赴本關衙門秤收。即便開船。如有地方惡棍積埠。並寫單指稱衙門名色。恣意科索。肆行加混。阻撓鹽艘。快運病商者。許馳報本院。立刻察拿。法在必行。決不姑貸。

禁封船

兩淮鹽院李公弼諱贊元山東人

為嚴禁違旨擅封鹽艘病商。候課事。照得兩淮鹽課。迺國家財賦之源。課非鹽無以輪辦。鹽非船何以運銷。南北往來。大兵該府州縣。自當僱募民船。供應各商鹽艘。乃自捐貲本置買。週流裝運。引鹽。豈容

動輒封拿視爲奇貨。案查前院接踵入告。奉有官弁不許封用鹽船。諭旨申飭已久。自宜恪遵。本院下車後。控訴紛紛。皆以鹽船被封。對具稟。不勝駭異。除牌行申飭外。合行出示曉諭。爲此示仰。按屬地方軍民。埠頭人等知悉。各商鹽船。嗣後再有徇蠹奸埠人等。仍前朦混報官。有司衙門不行覺察。擅自封拿。病商悞運者。許本商赴院陳稟。除拿究外。立行題叅。決不姑恕。

分別鹽船真偽

爲請 旨事。蒙總督部院。卽憲牌鹽院。審詳該本道

兩淮 鹽憲 李含馨 諱月桂 藩陽人

查得淮南鹽船。爲江上重運。每逢大掣之時。例有填給梳封。書商名鹽數。及船戶姓名于上。院印鈴蓋。所以杜影射而便稽查。立法亦綦密矣。惟是梳封向貼船梢。日久往還。不無奸徒借端假冒。雖前署道事裴運判。有每船給批。隨引之議。然法立弊生。誠有如本部院之批駁者也。今遵奉憲檄。再加集議。行據商綱。閱士駿等酌覆。前來第查鹽船。有商人自製裝鹽。前赴口岸銷賣。或時價低昂。勢必換易貨物。回載轉售。以供新課。此本商本船。可以刊刻姓名於船頭。船門之上。不致假冒者矣。內其中又有僱募船隻。不便刊

刻字樣或代運口岸。往回交卸舊運已完。新期未屆。則船戶自然別攬。一遇差使封拿。輒指曾裝商鹽。希圖狡脫。如某等之藉口。舊年梳封。此仍混驗。原非混給。據稱其船業已裝兵北上。亦無庸查議矣。今欲清前弊。既不便驟刊僱船。又屢奉前院禁革。似不便仍給批照。本道再四思維。鹽船多寡。原無定額。今應將每年新經掣定之鹽。俟解網。運副報冊完日。即將真正鹽船共若干。行令運副照數彙造清冊呈報本部院查考。庶江掣後關行之總數。可核籍而稽也。及鹽販口岸。在商船補刻者。自與梳封比對一覽了然。

立法之善未有過于此者。先生仕跡平天下功。業滿寰中。惜其稿至稍遲。不能盡載。三集一出。

無慮歸途阻礙。惟僱貢之船。多有商人竟包往返。倘不區處畫一。亦何以速輪輓而便將來。今本道議令各船自填給梳封之後。俱遵照鹽院批判日期。以本運一週為率。如沿途遇封。差船務必查驗梳封。在一年之內者。即為真正鹽船。一年之外者。即係往返交卸已畢。重複影借。許地方官立行查拿。如此分別封釋。真贗判然。不特商人無拿船却顧之慮。即如徒射利。亦無所施。其幸免之巧矣。是即飭禁假冒之一策也。至查從前梳封。俱係粘貼船梳。風雨侵毀。無從逐一查銷。今立以年限。則各商自製鹽船。自是急公趕

卷六
六

則良法
美政充
寒宇宙
矣

資治新書二集
運除舊布新。卽間有一二僱船。別行攬載。第既出一
年之外。難以假托。桅上舊封。雖不欲視。同故紙。不可
得也。其淮北鹽船。例無桅封。應照分管運判。呈院監
船底册。另造清册。報憲核查。併行地方官知照。庶真
偽分而混淆杜矣。抑本道更有請者。前淮安慶營移
稱。欲令監船比照課船之例。逐一稽驗。但思鹽船溯
流而上。載重行遲。必候揚帆。方能過往。非如輕舟蕩
槳。可行可止。而候其查驗者也。倘正值張帆。而令停
泊。候驗激湍巨浪。不無意外之虞。且每過一營。卽令
停泊。日行幾里。監行之疾。徐關乎課完之遲速。不得

不憂阻滯。况船隻輕重之別。卽是奸良之分。稽驗亦
爲多事。合無請祈本部院飭行江干營汛。遵依舊例。
不得創立詰查名色。留難重運。則國課商資均有
賴矣。云

權政一 禁橫斂

牌行某關

失名

爲權關稅有定額。科索旨意甚嚴。已經三令五申。
但未借一警。百再行申飭。以勵官方。事照某年某月
日伏讀。恩詔一欵。內開關稅已經定額。差去官員。
不許分外科索。擾害商民。其地方民事一概不許干

資治新書二集卷六

卷六

與違者併治煌煌。聖諭誰能充耳不聞。卽本部院告誠諄諄亦幾舌枯穎禿。乃聞邇來權關巡攔及庫櫃書役八等。仍有蔑視法紀。除勒索單錢使費俱加。二加三外。復有以輕秤驗貨。每百觔秤出三十四斤。指奉公完稅之商。以納少帶多之弊。無端坐罪。有口難分。陽稱以貨入官。陰使調停納賄者。被害之商不一而足。卽使衙役作弊。該關豈盡不知。此中情弊恐有不堪上聞者。本部院確有所憑。急欲爲諸商請命。姑念同事一方。再加砥礪。若便出示曉諭。又慮奸商藉口。併正稅亦復留難。故爾行牌密諭。以期改過自新。

新爲此牌行某關云。以後徵收商稅。俱照關誌定額。不得額外科求。併用輕秤驗貨云。

權政二禁私抽

行泉州府

興泉葉函公諱灼棠
兵憲江寧人

爲清查稅額。永禁私抽。以郵商便民事。照得民間雜稅。國課攸關。民納官徵。此定例也。泉南積習多有認稅代徵之弊。往者奸徒勢惡。鑽營告示。刊刻號票。假公稅爲名。橫剝私抽。以一取十。初稅之於地頭。繼稅之於經過。又復稅之於市廛。甚則徧張假示。私立印單。執陳年之批照。冒官府之名目。虎踞沙頭。狼貪

卷六

六十一

灣口懸燈樹幟藐法抗官。細至肩挑步擔米穀魚鮭及蔬菜柴薪皆私立稅名。纖悉不漏。小民資生日用盡入網羅。以致百物騰貴。厲商病民。莫此爲甚。案查該府請一應雜稅俱歸官徵。嚴剔私抽。詳院禁革。至今民享其利。昨見屬縣具申。以邑宰不能身親稅務。請令鋪行均認額銀。恐仍是認徵宿弊。粧頭換面。陽去陰留。且恐差役上下其手。生端擾民。令善政反成奸藪。若不徹底清查。分別澄汰。勒石永禁。何以裕國利民。合行諮核。仰泉州府官吏通查一府七縣一切魚鹽貨物雜稅。某項起於何年月日。奉何明文。額

數若干。曾否達部。編入全書。抵克某項錢糧。悉照查舊款項造細冊報。道查考。其一應雜物不在額稅之內者。或有司專擅或土豪霸踞。及額稅已納正項復私阻路津。疊抽橫索。併無名派取。止憑勢力魚肉商民。或見之日擊。或得之訪聞。俱逐一開列報。道。至歸縣官。收應作何布置。使官不煩而民不擾。舊案作何追銷。故轍作何更改。假示私票。作何禁止。一一條議具報。以便詳請上臺。永定畫一之規。勒石示禁。至于鹽課一項。各有專司。該府所轄額徵若干。國課至重。商民賴以營生。奸人易爲射利。尤當歸官徵解。絲

毫不得多取于民。該府風諸。釀政。亟宜指陳利弊。商確興除事關。國計民瘼。立待詳行濡筆以俟。

詳憲勒石

漢中曾道扶 諱王孫 司李曾道扶 嘉興人

為懇賜憲勅勒石。永絕陋規。以清積弊。以申茶法。事竊惟清而不濁者。服官之大義。公而無私者。奉職之恒經。故朝廷立法。首在懲貪。而臣子矢忠。尤先自潔。斷未有積弊相沿。固以為利。不即痛革。而猶可靦顏立于民上者。如推官之設。專司刑名。而漢中則兼理茶法。原其委任。初意實以執法之司。藉為彈壓。故商茶未至。督催焉而已耳。商茶既至。盤驗焉而已耳。

商茶既盤。督運焉而已耳。非有所利而為之也。乃法立弊生。遂有所為舊規者。每引六分計。每年盤引所入不下千金。自有茶法以來。浸淫至今。已為成例。嗟此商人奉朝廷一片紙。入山買茶。或蜀或楚。漢中一盤鞏昌。再盤而交五司。自採辦以至遞運。約往返幾及萬里。水陸殊途。虎豹波濤之險。舟車驢馬之費。尤可想見。當斯任者。將軫恤之不遑。而固箕歛以自肥也。有人心者。果如是乎。自是而商之力絀矣。自是而拖欠不免矣。自是而督催不前矣。自是而法不行于商矣。是則所以壞本官之名節者。固重。而所以誤

朝廷之茶馬爲更深且鉅也。卑職自本年三月二十四日到任。訪知此弊不勝駭愕。遂于四月初六日。刊示徧諭。已經禁革前弊。在卑職衾影自矢。必不敢蹈鮮終之咎。而未奉憲章。恐數年之後。不有仍踵前弊者。伏乞憲臺准賜嚴勒。以後凡有借端科斂。復索舊規者。立行叅處。更懇勒石以垂永遠。則商困甦而官方肅。弊絕法申。豈小補哉。

咨戶部

陝西 賈膠侯 諱漢復 巡撫 山西人

爲濫收之弊。已除額稅難缺等事。據布政司左布政使顏敏呈蒙本部院批。據西安府稅課司大使王正

申稱竊照普天之下皆有稅。惟秦省之稅不同。每年額定一千八十兩。不出之過往客商。止出于鄉民貨物之裝載入城者。名爲落地些微之稅。城內需用無幾。以致稅不敷額。歷年醫瘡剜肉。皆難上達。近奉嚴禁關蠹濫收。兩河炭易糧稅。憲令森嚴。敢不皇皇是飭。獨省城石炭。另從河干販載入城發賣。居民非用糧。易額稅似非濫抽。今車戶以禁兩河者藉口。以禁省稅。禁炭易襍糧者藉口。以禁販賣。禁額外之抽收者藉口。遂致舊額原有之稅。抗不報納。延今月餘。卑職仍欲照舊抽收。恐違新例。事關重大。不得不冒死

申請伏叩俯賜明示以便遵行等情蒙批戶部前覆
臺臣鄭疏開民間日用米麥柴薪等物原不收稅
炭非民間日用之物乎應否仍照舊抽收仰布政司
確議詳報蒙此轉行西安府行據該稅司呈稱遵查
每年炭稅元年收解銀若干二年收解銀若干三年
收解銀若干四年收解銀若干定額在先收報已久
伏叩電情轉覆仍舊抽收以竣國課等情據此該
知府葉承祧覆詳看得在省石炭一項乃報部冊內
舊有之稅所以呈請照舊抽收爲國課計也今查
部覆臺臣鄭疏係四年以後新例新例既定似不

便復收第稅額內去此一項必致短縮相應請祈咨
明內部以免日後之駁查可也等情到司據此該本
司爲照在省石炭抽稅一案仰遵憲批行據西安府
詳稱稅司每年抽收炭稅一項原係節年報部之數
今查臺臣鄭原疏既係四年以後新例又不便復
收第去此石炭一項則稅銀必致缺額懇請詳轉咨
明內部以免日後駁查等因詳請前來相應據轉恭
候咨部詳示遵行等情據此爲照按貨抽稅自有定
規查貴部前覆臺臣鄭原題直陳關蠹等事一案
內開米麥乃民間日用之物藥不應稅是日用之物

莫急于柴薪其不應稅也明矣今西安稅課司大使王正申稱在省民間所用石炭舊同貨物併稅獨不思石炭與柴薪無異豈柴薪係日用之物而石炭非日用之物乎除批行司府覆查遵照新例不稅外擬合咨明爲此合咨貴部煩請查照施行

蘆政總 查冊漲

蘆政詳

邵陽顏孝叙諱堯揆永春人

看得蘆地皆在水濱而蘆地之消長皆山水勢之緩急是澤國有而旱邑無也卑縣僻處萬山之中河路淺狹岸石巉生只容三四石之小舟往來不惟不能

張亦無可漲耳較之長沙湘陰爲灘江沅水之尾閘支港錯雜衆流涯洩衝擊靡常其地勢有不同故湘陰等處或有而卑縣實無若使稍有蘆地起課全書必定載額倘昔有而今無民弊或有漏隱今查歷年從無此項既無舊載之額必無產蘆之洲既無舊洲可以起課安有新漲可容隱匿地非一處民非一家按畝起課輸納有限亦何敢故爲欺漏以干愆戾無憑查報合行仍具印結以復憲查者也

驛傳總

驛馬

驛夫

馬政詳文

邵陽顏孝叙

詳克探
永春人

切照湘鄉邵陽路屬中衝差使絡繹站遠途長馬力
難支前經湘鄉條議增馬設驛當時以該縣既能建
謀必能任事且未經移會故不敢旁出一議以撓成
說今奉驛憲押馬上驛而令卑縣分董其事有不能
不長慮却顧併計目前之緩急以仰濟憲裁者蓋湘
邵兩縣雖屬接壤相距三百里故查明季舊例卑縣
則於褚塘地方湘鄉則於永豐地方其相去途均百
里各分本縣額馬設立腰站具文詳允兩邑稱便但

苦馬少不能輸恤此現行事例也今議於武障地方
建立驛站相去一百五十里山路崎嶇虎狼咆哮使
一日必到則馬必疲而速倒夜必行而多虞查武障
地方沙地不產青草山多無大水泉固不便於牧放
其小徑旁達各縣盜賊出沒民居不滿數家烟火寂
寥又不便於餉鞘差承之宿歇且既有驛馬以供差
使必宜隨驛設夫以候餉鞘查卑縣奉裁之餘止設
長養夫三十名目前差使不足有難枚舉今設驛用
夫將使三十名之夫在縣應差乎抑在驛供役乎若
使餉鞘各項等差到驛而令在城之夫往彼接應則

信至速往已逾兩日先犯停閣餉鞘之嚴禁矣若使城夫往驛接應其在城別無他夫可以輪脊勢必仍用此夫以送往紫陽驛站人力幾何而堪連走兩站也況在城接應共有七路差使倘彼此叠至俱屬上臺公務即能分身而理悞公亦復不少矣如謂設法備銀就近僱募則僱夫當於人聚之處今武障一帶人烟稀少即有工價無夫可僱况設法備銀尙屬點金之懸辭也創立驛遞必建造郵亭馬房槽桶等項雖蒙有用過價值完日冊報銷算之文查各項倉口催解雨集無分釐可以動移即或以站驛之錢糧爲

站驛之需用而本縣之應協濟應起解者俱已掃數全完又將何項爲鳩工庀材之需乎又奉文選委閒員分期料理查甲縣止有丞尉二員清糧巡捕時不可少此外別無閒員可委况無職閒員近奉有不許委用之院檄至於武障巡司或可專委而武障爲湘鄉所轄倘輪至甲縣日期稍不關心致有悞事咎將誰歸卑職亦何能以鄰邑之縣官而呼應隔屬之巡司此又便於湘鄉而不便於邵陽者况委員分管弊亦難言若使三十疋馬而各委一員則不勝其煩若按月輪流一員倘各徇其私恐湘鄉之委官未必用

心顧及邵陽十五疋馬。邵陽之馬夫又未必聽湘鄉委官之約束。其在邵陽委官亦有同然而委官之申文馬夫之控擾自此靡有底止矣。况條去條來之委官又何能實心實意以成事。合無申請憲臺將馬三十疋仍分十五疋增於湘鄉之永豐腰站。其十五疋增於卑縣之褚塘腰站。今卑縣三奉裁協之外止存額馬二十疋。萬難承應。正在詳增。不如將卑縣所裁協站四疋仍聽在城差使以省請益。若此酌量既路近而不致馬疲。又村窰而易於僱夫。事不創始。可以省拮据之費。各有責成。可以無意外之虞。查萬曆年

間曾於武障起站。後因馬斃人困不勝賠補。逃亡站倒故復有永豐褚塘兩站之設。此其未便之明驗。原非卑職今日之臆說也。前日湘鄉之條議在湘言湘。今卑職雖在邵言邵。而事體相關。不禁計及於湘鄉也。

禁止携重

霸易 張壺陽 高平人

一禁稍帶重物。幾南孔道。皇華繹絡。馬瘡夫困。剗肉難瘳。錢糧領發。上下交侵。疲敝倒置。隱忍莫告。是驛跣之壞。未有甚於今日者。禁多索。嚴騷擾。天語憲令。不啻再三。奉差官役。近亦知所畏憚矣。而多騎驛



馬之弊。尚有不能盡革者。不在火牌勘合之明索。而在背包駝搭之暗加。如齋本馳奏。止用夾板一付。或背包一座。已足盛貯奏章。打疊行李。至各衙門奉差員役。所携不過公文數角。衣被一囊而已。何至往來携帶。任彼增添。以致所乘馬匹。不求多而自多。驛官馬夫。見其囊重。包多。乘載不起。只得另撥副馬分駝。此為不多索之多索。不騷擾之騷擾。是天語所不及。而憲令所未申者也。况有駝包不止一二件。甚至南北貨物。裝載盈箱。任其稍帶射利者。以致稜稜馬脊。擁疊如山。竭蹶不前。加之鞭撻。此倒斃缺乏之由來也。雖或購買增添。終歸于盡。望有起色。寧可得乎。

職愚以為此種積弊。非止憲禁宜頒。尚應具疏請旨。凡齋本員役。止用夾板裝盛。其一切無名之馬。與無馬之駝。包槩為禁絕。齋奏且然。况其他乎。則多索騷擾之弊。不求絕而自絕矣。

驛站收支數目等事。
甘泉 縣令蔡蓮西 諱祖庚 上元人

切照甘泉地荒丁絕。萬苦伶仃。自朝至夕。輪蹄刻不容緩。而站支半缺。官馬全無。又夫役工食。並未額設。前任縣官。點金無術。不得不僉派窮民。且官不能為之作主。任差役之鞭拷。破顛折臂之慘。日陳于前。甚



至拷打諸生索之擗損此皆憲臺所目擊者士民涕泣漣漣懇求官僱職明知官僱累官然舍此無策慨然應之議借寨驢議復站銀等項伊係眾願樂輸已經屢詳憲案不敢復贅但驛遞既屬官當職復竭力樽節雖土著之士民戶戶粗安而過往之上差人人飲恨或指稱站價有餘或借口工食未足或云驛官侵肥或云經收冒破種種讒言最易惑上則職任怨任勞調停殘驛之苦心未見有功不幾反以為過乎今將一年之中收支過站銀夫價實數繕造清冊恭存憲案一以見錢糧收放之清白一以表樽節愛養

之苦心云

懇陳疾苦等事

平陽毛錦來諱新昌人

議得霍趙告協車牛一案真可謂聚訟矣夫所謂協者以客協主也霍為主趙為客主客之分既定則多寡之數自不能相等也明矣往議三十輛之外趙始協霍業有定案而霍喇喇不休者亦非好為是得隲望蜀之思誠因役重差繁磨累不堪故不能不作將伯之呼耳茲蒙駁查復經府廳再議自後凡遇車牛經過不論多少霍應三分之一趙應三分之一較之以前三十輛之外始行協濟之說似煥然一更矣然

而多寡之數雖有增減而主客之分仍未改移在霍州可稍甦獨力支撐之苦在趙城亦應有急公恤隣之義是雖府廳之斷然實出兩邑印官之自議也是雖兩邑印官之議然實出兩邑士民之僉謀也復奉批勒遵調霍趙士民面質妥確俱稱彼此輸服委出中心該州該縣仍具甘結僉議既同似可經久至於應付之法其零星車輛往來不絕若使白日關會恐至悞公合仍令霍州陸續應付明白登記積至二十輛為止然後趙城接應十輛以共成三分之一之數至三十輛之外周而復始此又應付中委曲周詳之法前議未顯今應分晰備陳以免日後推委者也

全書萬不可毀等事

毛錦來

議得汾浮岳芮之協濟仁義驛也前八議之詳矣其奈好事之民紛紛詰告避勞趨逸俱求協銀而不願協馬上年芮城縣遍控兩院批行道府酌議因見芮城距驛七百餘里遂議浮岳照前協馬而芮城在驛額馬三頭准其協銀就近歸併以汾西距驛至近故將芮城所協之銀卽令汾西代領喂馬此皆就道里之遠近酌往返之勞逸從公調劑原非有私意存於其間也業蒙撫按兩臺批允勒石在案今汾西士民

乃謂以芮城之馬獨累汾西夫不知驛固朝廷之驛馬固朝廷之馬而非芮城之驛之馬也汾西官民實代朝廷養馬而非代芮城養馬也以四十里內之官民尚欲惜力而七百里外之官民欲使之僕僕於道路又將何以服其心乎今汾西執以為詞者則曰馬政全書查其書蓋係往年民間抄本非經衙門頒發其來歷無從考究較之杞宋之文獻又不若矣而欲持以質汾芮之成可乎故前道看云不敢以前朝故帙而易昭代典章斯言誠是也再查賦役全書芮城站銀解府支用今據汾西詞稱未常註該汾

西支領其說似矣殊不知既有站銀自必求支領之人既求支領之人必自近始舍四十里內之汾西而尚不應領欲問七百里外之芮城而獨曰應領似又情理之所必不出也再查前招驛道看云芮城距仁義七百里汾西距仁義四十里以道路之遠近而定協馬之去留法無有善於此者今浮岳為地尚近理應協應協之馬而不得協銀芮城為地特遠理應協應協之銀而不能協馬此一定不易之論也若謂芮城之馬不應歸之汾西然以數縣較之浮岳稍遠於汾西義難歸併靈石雖在驛之境內而既有二驛勢



難兩顧汾西雖在驛之隔屬而道里與靈石相等義
合兼理則是芮馬三頭舍汾西無歸處也展轉思維
再三籌畫雖欲憐汾西之苦然較之四縣尙當有辯
故終不能為汾西辭其勞耳道府前看實出至公兩
院憲批永無可易合照定議伏候憲裁

處州府免撥協餉詳文

溫處席竺來諱式
守憲

切照處州一郡萬疊頑山雖居浙省末屬風景不異
邊荒今查一府十縣之中無一典舖無一紳舖生員
不穿寸絹衙役強半無妻食米不用晚禾舉火日惟
一次自古為然於今倍憐且合算十屬之錢糧不及

浙西一大縣合計一縣之人丁不及浙西一大村所

以各府於本地經制額設錢糧外尙堪協濟外省今

處州一府賦額不過若干現在坐派處協兵餉若干

又坐派督標溫米若干精神力量已經告竭若又加

以外省協餉一如嘉湖等例是使鴛馬與驥足齊驅

老病與壯夫角力也然民力至今日何人不言若何

地不言窮而處州之窮之苦真有出于情理之外者

若使未經目擊將為欺謾不情幸本部院時常臨泣

見民疾苦艱辛往往倍加軫惻當此國用告誦之時

豈容妄有所請但祈於全浙之中權衡肥瘠酌量後

先將處州府錢糧免派外省協餉俾得復回轉徙之
謀仍作耕耘之計庶民命尚可苟延地方不虞他故
矣

酌更協濟

大梁沈繹堂諱松江人

一協濟地方宜酌更也。協濟銀兩雖有額定驛遞查
各驛有昔稱衝繁站銀不敷額撥簡僻協濟今幸分
路稍僻又將站銀轉撥是受簡僻之協濟而又解協
於他驛既多一番轉折且簡僻之處起解不前反受
催比之累矣。卽如延津受協於太康等縣而又撥協
臨潁之類是也。合無將昔衝今僻州縣有原受簡僻

協銀者卽行改撥衝驛不必又令轉解以茲煩瑣。又
有隔府協濟相距數百里解領往返跋涉維艱莫若
卽將本府之有餘協本府之不足或本府站銀無缺
則就附近地方改撥如榮澤一縣該受彰屬之安磁
懷屬之武陟三處協銀共一千五百餘兩屢以隔屬
關領不前查沁水等縣現有協濟別府銀兩彼與榮
澤接壤何不一爲更正此不過一轉移間而解領兩
便道累可除矣

開支俸薪工食等事

川南紀光甫諱清苑人

看得四川錢糧先年原有協濟貴州之例蓋因本省

之有餘以補他省之不足此自財賦充足舊額不虧
而言也今蜀省自經兵燹以來民流土荒錢糧盡歸
烏有與黔省之缺額無徵一也雖川北先復而東西
南新復未久兼之東有夔關未靖而南則郝逆方平
目今招徠開墾稍有安集然總未經清丈起科不過
暫徵本色升斗以供本地之兵食而兵馬錢糧尚需
協解於秦晉外省至若官役俸薪工食及驛站正供
錢糧一切公費正在籌畫尙無所出又安能循舊額
而協他省乎今屢奉貴州撫院檄催按額協濟隨經
行查今據叙州府瀘州查覆前來相應轉詳憲臺一

面移文貴州撫院咨部會題一面隨將川省應設俸
薪工食酌議題請庶他省不致頻呼無米之炊而本
省亦得均沾養廉之典矣

修造總

飭修文廟

江南張玉甲諱能麟
北直人
學憲

照得文廟之崇祀吾夫子也。正以德化教澤萬
世不祧。凡今日之文吏紳衿。類皆聖人之徒。爵祿
廩糈無非聖人之澤。飲泮水而思其源。忍令鞠為
茂草。平本道業於頒行條約中。首舉興修。尤恐諸司
習玩為常。合再嚴飭。為此仰府官更照依來文內事

理卽便轉行各屬速查該學殿廡宮墻有坍塌者卽
時修理有年久傾頽工作浩大者會同該學逐一勘
估工料核減確實具詳本道以憑推廣同類捐助興
修務使刻期興工立限報竣勿以錢糧不足而生疑
畏也果能興起學校亦提調官治行之善薦獎之所
必錄木道斷不徒托空言諸司無爲道旁之議其學
宮圖式碑記各取一本同估修緣由報察毋違

創建營房等事

蕪州太守劉黃中諱玉贊宛平人

看得營房之設所以恤兵亦以安民屢奉本部院諄
諄檄諭敢不仰體恪遵以竭綿弱除本府及臨川縣
見各捐貲五百兩已經擇日興工外查工程尙多用
費不敷屢移疊催俱以無力捐輸爲辭合無請乞憲
臺俯賜批示俾奉行者踴躍從事觀望者鼓舞爭先
庶不負憲臺惠愛兵民之至意也

橋工告成等事

劉黃中

看得城垣橋梁保障全郡撫治之東郭外濱水先年
建橋名曰文昌覆大河若平地合兩岸爲周行誠豫
楚閩越之要衝上下來往之共由也順治十八年春
夏之交霖雨連綿山水大發波濤洶湧數十里之長
虹一旦盡歸烏有遂致咫尺河干如隔千里郡民病

涉無計可施。本府於康熙元年八月內受事。自愧疏庸。惟知勉強。臨流興歎。蒿目而籌。城垣之後。橋工亦不可緩。幸遇總督部院憲臨昭武。捐助于先。嗣奉巡撫都院巡歷湖東。倡率于後。用是合郡官員。樂輸喜助。共成茲舉。以仰副憲臺慈航普濟之心。本府忝職斯土。不敢辭勞。隨卽廣募工匠。構備木石。委官督率。務期堅固。以利永久。匠役設工。給銀灰石。照價平買。動費皆出于捐貲。絲毫不擾于民力。殫盡心血。刻日告成。新蒙巡撫部院經臨。閱視已真。見今行人稱便。驛路無遲。合無詳請憲臺俯賜題叙。以勵群工。以垂不朽。

增修城垣等事

西寧守憲朱仙侶諱衣客關東人

看得涼城爲西邊之保障。須加意綢繆。以固吾圉。而後可恃以無恐。此地城基倚土。爲勢高下參差。難以畫一。然就其自然。而求其如式。城所未脩。酌量加添。城有不平。相度填補。至梁口疎密不均。大小不一。葢以當日修築。原非一時一手之事也。欲高低各盡其致。內外俱爲可觀。處今日而議增修。非不憂憂難之。而身任地方。責將誰諉。惟是獨力鮮成。衆擎易舉。非奉憲批各屬。何由鼓舞。查臨邑額編銀兩。爲數無多。

伏望俯賜批示庶捐輸有心城工克濟疆土享鞏固之利各官遂急公之懷矣

一視同仁等事

劉黃中

看得撫郡原有東西文昌橋東文昌橋近在郡城誠係往來要道向蒙本部院首倡捐助工已告成已奉題叙在案西文昌橋原係高述德之父當年創建述德欲承先志固屬可嘉但會商紳士詢諸耆老俱以無甚關係為辭况諸工繼起之後拮据維艱安有餘力以圖不急之務乎高述德所呈應無庸議者也

詳覆建造浮橋緣由

處州周宿來諱茂源
太守松江人

看得枯蒼門外舊有浮橋一座以濟往來日久不修橋因以廢橋之易而為渡也不得已也湍流迅疾撐駕多虞乘船之險孰若就橋之安然而廢與有時得人斯舉陳推官到任未幾目擊溪流慨然動念即以復建此橋為己任立時捐俸倡舉又勸勉各縣共襄美事于本年某月某日詳憲起工于今某月某日落成長虹偃水鐵鎖橫江從此輿馬通行豈特印須可廢識既高于國產功無遜于君謨矣所有向來橋渡兩項出租合行麗水照額徵收除給橋丁工食外仍留有餘以備他日修橋之用相應伏請憲示勒石紀

功以垂永久則此橋當有常新之日而括民永無病涉之憂矣

議覆同安築堡

興泉兵憲葉函公諱灼棠江寧人

為設立寨堡以衛民生事看得同邑濱海當泉漳二郡之衝中左對峙其前而涵州賊黨伏於肘腋其來也無時去也無迹忽而登岸則驟雨狂風鄉村遭彼蹂躪比及我師掩至則已揚帆而逝此同迅迄無寧宇該副將所以有修復太平舊寨之請并令沿海各村保民自築土寨為固圉安民之計甚周也行據該縣會同鎮將躡勘形勢繪圖具詳其間道里之遠近

人烟之多寡瞭然在目若馬家巷若窰頭磁窰若康厝若封卿星羅碁布於海徼而太平一寨可以屯兵有居中聯絡之勢南至下店保民願移石修復舊城自為守禦賊來則堅壁待援賊去而耕耘如故綢繆疆場之道無逾是矣所慮者兵燹殘黎賦役繁困上有經營之苦常患於民之不可使知下有筋力之勞常怨於官之不能盡亮小民身家之計一旦臨以官法恐趨公未必如營私之易應令各保地方就本保內出工役責保長以董其成該印防官時時鼓舞勸導之俾無疑無畏而後可也除太平寨該縣報稱會

勘擇地於本月初四日興工外其馬家巷等五處及下店舊城應民間自行修築者恐愚人偷安目前不知曲突徙薪且虞一二土棍奸人從中阻撓生事合請憲臺裁酌批示

蔣教諭修學詳文

處州周宿來諱茂源太守

覆看得縉雲一邑數十年前在浙東猶稱冠蓋之鄉在柘屬則號人文之首祇以本朝定鼎之初明季潰兵從茲蘭入山中伏莽相繼突來城市變為丘墟學宮鞠為茂草雖荷此項令稍事修葺然而形模畧具俎豆無光近者鐵馬金戈益加絡繹芹香藻采靡暇追尋倘令長此頹頽必且竟歸淪廢茲據該縣申稱該學署教諭事舉人蔣薰本為武水名儒久任仙都山長瘦羊祗操自甘銖積俸錢華構斯成獨力煥新廟貌雖邑令剗興神衿襄美皆以捐助未符新例讓而不居其蔣薰所捐于例相協以應請憲轉詳各憲俯賜題叙以礪官常以崇文教者也

諭會司李

陝西賈膠侯諱漢復巡撫

照得棧道之險本部院夙繫耳聞今經目擊據歷代相傳以為天險難平以本部院視之亦是一件可為之事但恐不得其人與法耳茲本部院毅然自任誓

不平此險道。不去西秦。惟該廳。彈智竭能。襄此大舉。

督修棧道牌

陝西賈膠侯諱漢後
巡撫賈膠侯諱漢後
山西人

為修理棧道。平治崎嶇。以關千百世之坦途。以濟億
萬人之險阻。事照得褒斜棧道。為秦蜀要路。綿亘六
百餘里。上逼崇山峻嶺。下臨大江深谷。頑石充塞。密
箐障翳。凡往來由此者。騎不得並驅。人不敢展步。稍
一差跌。大則有性命之憂。小亦有顛仆之患。歷代以
來。其頹傷軀。命損折肢。體於仄崖深壑之中者。不知
凡幾矣。本部院夙聞扼腕。鞭長不及。茲奉
命。閩城躬歷此地。目擊心駭。因思自開闢。洎今多歷

年所。而此道猶險阻如故。人人望而危懼。世世嘆為
艱途。豈果天險之難。平抑當事者。傳舍視之。未嘗堅
心毅力。奮然為萬世闢此康莊也。且此道川漢咽喉。
驛使繹絡不絕。遇有緊要機務。未免稽遲。時日。至於
行旅之艱苦。人畜之跌傷。慘目痛心。寤寐難安。此斷
斷不可不脩。不容不脩者。然脩之亦須大費區畫。其
土路險隘者。剷平之。荆莽蔽塞者。砍伐之。若乃石路
如閭王塢諸處。懸崖逼臨。惡石連山。斧鑿無所施。其
力工匠不能運。其巧本部院再四籌度。計無他出。惟
有火政一着。可以闢險為平。當用本地柴木。因風吹

不以病
民者勞
民尤為
難事

此批亦
克可然
示知

火煨石燒山沃之以醋石自為灰其懸石以鉅鉄橛
撼之亦可成功所用夫役卽募僱塘兵馬夫日食工
價本部院捐資給發不動民間一人不費民間一錢
此本部院志期必為決欲為千百世闢坦途為億萬
人濟險阻而不容一日緩者也為此仰應卽喚牌內
事理會同李叅戎將險要處所分畫丈尺覓僱夫役
并力修鑿務期平險為易可令聯騎並肩俾往來商
民毫無畏怖此為一勞永逸之圖慎勿因循苟且草
率塞責果能急公早竣將姓氏勒之貞珉用垂不朽
迨工完之日闕王壩改名觀音壩以示利濟之意可

也速速須至牌者

棧道報成詳文

漢中曾道扶 譚王孫 嘉興人

為棧道工程已竣急公員役可嘉謹報成工兼叙勞
績仰祈委驗獎賞以示鼓勵事前奉憲檄委職會同
李叅將設法鳩工督修棧道隨將頒到俸銀若干兩
僱募匠工并分給馬夫塘兵人等於某月某日起工
至某月某日告竣其修造之法悉遵憲臺指示之方
暨職所詳末議大石之當去者悉已搬撥沉江小石
之宜平者亦經積沙成路其泥滑險道除無旁徑可
通者以沙易泥令其沁水不致仍前淤濘外凡有別

地可開作路者。盡令斬除荆棘。改作通衢矣。至於極險極隘之路。前人未經盡闢者。悉經縱火焚山。沃之以醋。無論近火之石。盡變為灰。即去火甚遠。高出數丈外者。亦因山根燬爛。豎立無基。隨經崩裂。下墜。崖者。墜崖。沉江者。沉江。從前鳥道羊腸。變為周行大路。誠如憲牌所云。可以聯騎並肩而行矣。一時行路之人。無不歡呼載道。皆謂憲臺一念之仁。遂為萬姓黔黎。造無疆之福。至於形勝復脩。嚴疆永固。使後來兵馬錢糧。可以朝呼夕至。無留難險阻之虞者。則重臣憂國之心。為之頓釋。當自憲臺始矣。茲直成功。理

宜報竣。所有急公員役。除叅將李承恩。悉心調度。協力趨催。使百世永賴之功。成於旦夕。例應優獎。示勸外。尚有冒險督工諸員。役均在分勞共事之中。今特開列職名。伏候憲臺分別獎賞。以為任事急公之勸云。

科場總

裕號房

江南張玉甲
諱能麟 宛平人

士子領題。搆思竭三晝夜之力。全賴號房以為棲止。舊例東西號房。苦蓋有餘。且于末號置厠。四圍設溝。以為疏穢通潦之地。邇年號舍傾圮。每至缺少。臨期



取用輪號甚爲不妥。內外溝渠不通。秋雨淋漓。上漏下濕。致士子濡足水中。遷就無地。又或穢氣觸鼻。避無由。勢必潦草完卷。不惟虛寒。士三載燈窗之苦。甚有坐致疾病。反深性命之憂者。實可矜惜。故號房宜多設溝渠。宜預疏也。

慎謄錄

張玉甲

場中糊名易書原以杜弊。若潦草差訛。勢必誤士子之功名。且聞向來積弊。有包攬謄錄之家。每向考劣諸生索銀三五兩不等。爲擬善書者代錄。貧士無長物。任伊僱倩。匪入塗鴉。塞責士子。半世功名。十年攻

苦博此實興。一日萬一差訛字句。功令森嚴。內簾官孰敢輕薦。是謄錄一字之訛。士子終身之厄。從來名碩負屈。浩歎者不少。合請于場前月餘。以各屬送到謄錄諸生。行委府廳官面加驗試。必善書而文理粗通者。方行留用。如潦草不堪。押回另取。併將考中原卷發對讀所查閱。敢有臨場更換名。是人非者。定行該府縣嚴提究治。則胥吏咸知警凜。供事士子不蒙亥豕之災矣。

嚴對讀

張玉甲

從來科場所取對讀諸生。例皆青社。每多豪華懶惰。


資治新書二集
不肯讀書之人。借科場効勞。爲名以復衣衿者。僱覓頂替。勢所不免。雖年貌有冊。無從稽核。今應責令對讀。各官詳記場內某生磨對出幾卷。差訛者改正。大約以十分爲率。磨出最多者。方准復附。其七八分者。僅從實賚。毋許槩復。倘有虛應。塞責不細。加磨對者。嚴令對讀。所造冊登記。事竣呈報。除不准收復外。仍行究斥。以爲誤人功名之戒。

禁報卒

張玉甲

江南報子多。係積棍毒役。串倩營兵。飛騎快船。持械雄行。無異大盜。放榜之後。紙條入手。打入中式之家。

不論貧富。勒索之數。累百盈千。稍不遂意。碎門毀戶。家資什物。立成齏粉。領數十人。蚕食其家。不飽其欲。不去寒酸之士。勢必稱貸以應之。士方進身之始。先爲積逋所累。他日欲爲廉吏。何可得乎。伏祈憲賜嚴示。通行各府州縣。遍加禁戢。犯者治以重法。庶郡小不致踵惡。鳴張鹿鳴多士。受賜無涯矣。



資治新書二集卷之六終

